



Broj: 09/2-2-16-8-15773-8/21
Sarajevo, 09.07.2021.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: JN1-16-8-15247/21 od 08.07.2021. godine, u postupku javne nabavke usluga štampanja za potrebe MVP BiH, **d o n o s i m:**

ODLUKU o izboru najpovoljnijeg ponuđača

Ponuđač GRAFIČKI OBRT „REMIX“ iz Visokog sa ponudom br: 39/21 od 05.07.2021. godine je jedini ponuđač u provedenom konkurentskom postupku JN. Kako navedeni ponuđač ispunjava sve kriterije iz tenderske dokumentacije ovom ponuđaču se dodjeljuje Okvirni sporazum za nabavku usluga štampanja za potrebe Ministarstva vanjskih poslova BiH.

Ova Odluka objavit će se na web-stranici www.mvp.gov.ba i istovremeno dostaviti ponuđaču u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja Okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-2-int-15247-1/21 od 01.06.2021. godine, u kojoj je predviđeno da je procijenjena vrijednost javne nabavke za period od 24 mjeseca od dana potpisivanja okvirnog sporazuma bez PDV-a 17.000,00 KM.

Obavještenje o nabavci br: 253-7-2-20-3-9/21, objavljeno je na Portalu javnih nabavki dana 08.06.2021. godine.

Javna nabavka je provedena putem konkurentskog zahtjeva za dostavljanje ponuda.

Analizom dokumentacije pristigla je jedna ponuda, te suštinskom provjerom sadržaja i validnosti dokumentacije, Komisija je utvrdila da ponuda ponuđača:

1. GRAFIČKI OBRT „REMIX“ iz Visokog;

zaključno sa rednim brojem 1 (jedan),

ispunjava formalno-pravne, ekonomske i tehničke zahtjeve Ministarstva vanjskih poslova BiH, te da je prihvatljiva i može biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Tenderskom dokumentacijom, kao i Odlukom o pokretanju postupka, za ovaj predmet nabavke bilo je predviđeno provođenje E-aukcije, međutim kako je pristigla samo jedna ponuda, E-aukcija nije provedena, a kako je to i predviđeno članom 3. stav (3) Pravilnika o uslovima i načinu korištenja E-aukcije.

Polazeći od činjenice da prihvatljiva ponuda u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „**najniža cijena tehnički zadovoljavajuće ponude**“, Komisija je zapisnikom broj: JN1-16-8-15247/21 od 08.07.2021. godine, utvrdila rang listu ponuda i to:

1. Grafički obrt „REMIX“, Visoko sa ukupnom cijenom od 32.042,77 KM sa PDV-om

shodno kojoj je prvoplasirana i najpovoljnija ponuda ponuđača: **GRAFIČKI OBRT „REMIX“ Visoko sa cijenom od 32.042,77 KM sa PDV-om** te da ista zadovoljava zahtjeve ugovornog organa i primjenjivaće se do maksimalnog iznosa predviđenog Odlukom o pokretanju postupka. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Svim učesnicima u postupku javne nabavke;
2. Evidenciji a/a.



MINISTRICA

Biserica Turkovic
dr. Bisera Turkovic